

# Ամրակից

Մակերես՝ 12.148կմ<sup>2</sup>

Բնակչություն՝ 530

Տնային տնտեսությունների թիվը՝ 214

Գյուղ Ստեփանավանի տարածաշրջանում, Ստեփանավան քաղաքից 4կմ արեւելք, մարզկենտրոնից գտնվում է 30կմ հեռավորության վրա: Գյուղը հիմնադրվել է 1840-ական թթ պատմական Ամրակ (Ամրակից) գյուղի տեղում: Նախկինում ունեցել է Կիրովո, Նիկոլաեւկա, Նովոնիկոլաեւկա անվանումները: Ամրակից է վերանվանվել 1991 թ-ին:

Գյուղը տեղադրված է Ձորագետի աջափնյակում, Բազումի լեռնաշղթայի հյուսիսահայաց լանջին, բլրապատ հարթավայրում՝ ծովի մակարդակից 1380մ բարձրության վրա: Կլիման բարեխառն լեռնային է, տևական, ցուրտ ձմեռներով: Ամեն տարի հաստատվում է կայուն ձնածածկույթ: Ամառները տաք են, համեմատաբար խոնավ: Տարեկան թափվում են 600-700մմ մթնոլորտային տեղումներ: Ագրոկլիմայական տեսակետից ընկած է մասնակի ոռոգման գոտում: Շրջակայքում կան անտառներ:

Գյուղում կա քարաշեն եկեղեցի:

1873 թ-ին ունեցել է 289, 1897 թ-ին՝ 413, 1939 թ-ին՝ 611, 1959 թ-ին՝ 589, 1970 թ-ին՝ 520, 1979 թ-ին՝ 495 հայ եւ ռուս բնակիչ: Ըստ ազգային վիճակագրական ծառայության տվյալների 2011 թ-ին համայնքի բնակչությունը կազմել է 530 մարդ: Սեռային կազմում տղամարդիկ կազմում են 48%, կանայք՝ 52%: Ունի միջնակարգ դպրոց, գրադարան, մանկապարտեզ, կապի հանգույց:

Գյուղատնտեսական հողահանդակներում մեծ բաժին ունեն վարելահողերը (428հա), խոտհարք (137հա): Պետական հողերը գլխավորապես օգտագործվում են որպես վարելահողեր, արոտավայրեր՝ կազմելով համապատասխանաբար 46 և 371 հեկտար: Գյուղի մասնագիտացման ուղղությունը երկրագործությունն է: Չբաղվում են դաշտավարությամբ, պտղաբուծությամբ (տանձ, խնձոր, կեռաս), մշակում են հացահատիկային, կերային, բանջարաբոստանային կուլտուրաներ, կարտոֆիլ: Չբաղվում են նաեւ խոշոր եղջերավոր անասնաբուծությամբ, թռչնաբուծությամբ: Համայնքում գործում են 1 վերամշակող և 1 էլեկտրաէներգիա արտադրող ձեռնարկություններ, որոնցում զբաղվածների թիվը կազմում է 9 մարդ:

Համայնքի հիմնախնդիրների մեջ կանոնավորում են մշակույթի տան կառուցումը, խմելու ջրագծերի վերանորոգումը, ներհամայնքային ճանապարհների վերանորոգումը